

PARLAMENTARNA SKUPŠTINA BOSNE I HERCEGOVINE

125

Na osnovu člana IV. 4. c) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma održanoj 29. maja 2002. godine i na sjednici Doma naroda održanoj 31. maja 2002. godine, usvojila je

ZAKON

O IZVRŠENJU BUDŽETA INSTITUCIJA BOSNE I HERCEGOVINE I MEĐUNARODNIH OBAVEZA BOSNE I HERCEGOVINE ZA 2002. GODINU

1. OPĆE ODREDBE

Član 1.1.

Ovim zakonom uređuje se način izvršavanja Budžeta institucija Bosne i Hercegovine i međunaordnih obaveza Bosne i Hercegovine za 2002. godinu (u daljem tekstu: Budžet), prava i obaveze budžetskih korisnika, a posebno:

status budžetskih korisnika;

izvršenja prihoda;

rezerve Budžeta;

održanje budžetske ravnoteže;

procedure u stvaranju obaveza;

procedure u povlačenju i korištenju sredstava;

upravljanje novčanim tokovima i prioriteta u finan- siranju;

dug i zaduživanje;

računovodstvena evidentiranja;

izvještavanje;

interni nadzor i kontrola.

Član 1.2.

Osnov za primjenu ovog zakona je Budžet institucija BiH i međunarodnih obaveza BiH za 2002.godinu koji su usvojila oba doma Parlamentarne skupštine BiH.

Na sve procedure i postupke izvršenja Budžeta institucija Bosne i Hercegovine i međunarodnih obaveza Bosne i Hercegovine, osim odredbi ovog zakona, primjenjuju se i odgovarajuće odredbe:

Zakona o trezoru institucija Bosne i Hercegovine ("Službeni glasnik BiH", broj 27/00);

Zakona o vanjskom dugu Bosne i Hercegovine ("Službeni glasnik BiH", broj 1/97);

Zakona o administrativnim taksama ("Službeni glasnik BiH", br. 14/99 i 32/00);

akti Vijeća ministara Bosne i Hercegovine (u daljem tekstu: Vijeće ministara) i Ministarstva za trezor institucija Bosne i Hercegovine (u daljem tekstu: Ministarstvo za trezor);

akti interne regulative budžetskih korisnika.

2. STATUS BUDŽETSKOG KORISNIKA

Član 2.1.

Pravo na status budžetskog korisnika ostvaruje se na osnovu zakona ili odgovarajućim aktom Parlamentarne skupštine BiH, Predsjedništva BiH i Vijeća ministara BiH. Status budžetskog korisnika stiču pravna lica upisom u Registar budžetskih korisnika, ustanovljena na osnovu Odluke o uspostavljanju Registra korisnika Budžeta institucija Bosne i Hercegovine i međunarodnih obaveza Bosne i Hercegovine ("Službeni glasnik BiH", broj 25/01). Svi budžetski korisnici dužni su u roku od 30 dana od dana sticanja statusa pravnog lica provesti postupak registriranja u knjige registra budžetskih korisnika.

Član 2.2.

Finansiranje komisija, agencija ili drugih organa koji nemaju status pravnog lica, a koji su ustanovljeni posebnim odlukama Parlamentarne skupštine Bosne i Hercegovine, Predsjedništva Bosne i Hercegovine ili Vijeća ministara, vrši se transferima preko ili unutar resornih ministarstava, Parlamentarne skupštine BiH i Predsjedništva BiH, koja prate njihov rad ili koriste njihove usluge.

Za finansiranje organa iz prethodnog stava mogu se otvarati posebni podračuni uz prethodnu saglasnost Ministarstva za trezor.

Član 2.3.

Finansiranje institucija koje u toku 2002. godine steknu status budžetskih korisnika, u skladu sa članom 2.1. ovog zakona, osigurat će se iz budžetskih rezervi.

Finansiranje institucija koje nisu stekle status budžetskog korisnika, a čije je održanje kontinuiteta obaveza po Općem okvirnom sporazumu za mir u Bosni i Hercegovini, osigurat će se na privremenom osnovu iz rezervi Budžeta.

3. IZVRŠENJE PRIHODA BUDŽETA INSTITUCIJA BiH

Član 3.1.

Osnovne kategorije prihoda Budžeta namijenjene funkcioni- ranju institucija BiH utemeljene su Ustavom BiH i odgovara- jućim zakonima, a to su:

neporezni prihodi;

tekuće potpore u novčanom obliku;

prihodi iz budžeta entiteta;

vanredni prihodi;

potpore u nenovčanom obliku;

preneseni prihodi iz ranijih godina;

prihodi od imovine.

Član 3.2.

3.2.1. Neporezni prihodi u dijelu koji se odnosi na administrativne takse utvrđeni su u:

Zakonu o administrativnim taksama;

podzakonskim aktima koje donosi Vijeće ministara ili resorna ministarstva.

Procedure, postupci kao i odgovornosti za prikupljanje i transfere ovih prihoda utvrđeni su u prethodno pomenutim aktima.

3.2.2. Neporezni prihodi po osnovu naknada za korištenje zračnog prostora utvrđeni su na osnovu Zakona o zrakoplovstvu Bosne i Hercegovine ("Službeni glasnik BiH", broj 13/99) i pravila ICAO, a u dijelu koji se odobrava po navedenim pravilima.

3.2.3. Neporezni prihodi po osnovu doprinosa za korištenje radiofrekventnog spektra utvrđeni su u:

Odluci o spajanju nadležnosti Nezavisne komisije za medije i Regulativne agencije za telekomunikacije ("Službeni glasnik BiH", broj 8/01),

Odluci o državnom doprinosu za korištenje radiofrekventnog spektra ("Službeni glasnik BiH", broj 30/01), koja se odnosi na 2001. godinu te odgovarajućoj odluci koja će se donijeti za 2002. godinu.

Regulativna agencija za komunikacije (CRA) odgovorna je za ostvarivanje prihoda po ovom osnovu.

Član 3.3.

U okviru tekućih potpora u novčanom obliku obuhvataju se donacije i grantovi međunarodne zajednice.

Ovlašćuju se i zadužuju svi budžetski korisnici da nastave aktivnosti na potvrđivanju i prikupljanju najavljenih potpora.

Svi budžetski korisnici dužni su odobrena sredstva donacija usmjeriti na Jedinствeni račun trezora ili pokrenuti postupak otvaranja posebnog podračuna za ove namjene preko Ministarstva za trezor.

Član 3.4.

Prihodi iz budžeta entiteta, namijenjeni funkcioniranju institucija BiH, imaju se ostvarivati u skladu s obimom utvrđenim u budžetima entiteta i dinamikom koju utvrđuje Ministarstvo za trezor u saradnji s nadležnim entitetskim ministarstvima.

Prihodi iz budžeta entiteta, namijenjeni servisiranju vanjskog duga, imaju se ostvarivati u skladu s odredbama Zakona o vanjskom dugu, projekcijama iz Budžeta za 2002. godinu i s dinamikom koju utvrđuje Ministarstvo za trezor u saradnji s nadležnim entitetskim ministarstvima.

Nadležni organi entiteta mogu donijeti odluke za finansiranje posebnih programa na nivou Bosne i Hercegovine iz budžeta ili iz rezervi budžeta entiteta, iznad okvira utvrđenih Budžetom institucija BiH za 2002. godinu.

Član 3.5.

U strukturu vanrednih prihoda uključuju se provizije po osnovu rješavanja naplate ratne štete preko Kompenzacione komisije UN, kao i svi prihodi koji se ostvare izvan obima i strukture predviđenih Budžetom za 2002. godinu.

Član 3.6.

Potpore u nenovčanom obliku predstavljaju podršku budžetskim korisnicima u opremi i materijalnim sredstvima.

Svi budžetski korisnici dužni su komisijski zaprimiti materijalna sredstva i provesti proceduru uknjižavanja u Glavnu knjigu. Kopiju zapisnika dužni su dostaviti Ministarstvu za trezor.

4. IZVRŠENJE RASHODA BUDŽETA INSTITUCIJA BiH

Član 4.1.

4.1.1. Rashodi Budžeta koji se odnose na funkcioniranje institucija BiH su:

tekući izdaci;

tekući grantovi neprofitnim organizacijama i pojedincima;

kapitalni izdaci;

transferi za posebne programe i namjene;

rezerve Budžeta.

4.1.2. U rashode Budžeta uključuju se i obaveze iz ranijeg perioda po posebnim odlukama Vijeća ministara.

4.1.3. U vanredne rashode Budžeta uključuju se i izdaci vezani za realizaciju kapitalnih izdataka i posebnih programa, a za koje se osiguraju dodatni izvori izvan obima prihoda utvrđenih Budžetom za 2002. godinu.

Član 4.2.

U tekuće izdatke uvrštavaju se svi izdaci koji su vezani za tekuće funkcioniranje institucija BiH, a čija je sintetička struktura utvrđena Budžetom institucija BiH.

Budžetski korisnici dužni su, po usvajanju Budžeta u Parlamentarnoj skupštini, izvršiti usklađivanje analitike svojih budžeta sa sintetikom utvrđenom u Budžetu institucija BiH u roku od 15 dana od dana usvajanja Budžeta.

Član 4.3.

U Budžetu institucija BiH za 2002. godinu nisu predviđeni rashodi za grantove neprofitnim organizacijama i pojedincima, a mogu se dodijeliti iz sredstava rezervi po posebnim odlukama Vijeća ministara.

Član 4.4.

4.4.1. U kategoriji rashoda za kapitalne izdatke rezerviraju se sredstva za nabavku opreme i nekretnina. Realizacija programa kapitalnih ulaganja usklađivat će se s realnim prilivom prihoda, a po namjenama i prioritetima koje će utvrđivati Vijeće ministara.

4.4.2. Za realizaciju programa kapitalnih ulaganja korisnici budžetskih sredstava mogu se kreditno zaduživati u slučajevima kada mogu osigurati kolateral koji se odnosi na realnu aktivu kojom raspolaže dotična institucija ili na sigurne, zakonom utemeljene prihode institucija BiH.

U zavisnosti od izvora kreditnog zaduženja primijenit će se procedure predviđene za javno zaduživanje ili procedure predviđene Zakonom o vanjskom dugu BiH.

Član 4.5.

Transferi za posebne programe i namjene razvrstavaju se prema Budžetu institucija Bosne i Hercegovine i međunarodnim obavezama Bosne i Hercegovine za 2002. godinu

u dvije grupe prioriteta i to:

Prva grupa: Transferi programa posebnih namjena (stav 4.2. člana 4. Budžeta institucija BiH i međunarodnih obaveza BiH za 2002. godinu);

Druga grupa: Nominacija specijalnih programa čije se finansiranje osigurava iz posebnih dodatnih izvora (stav 6.1. člana 6. Budžeta institucija BiH i među- narodnih obaveza BiH za 2002. godinu).

4.5.1. Izvori sredstava za transfere za programe iz prve grupe prioriteta planirani su u okviru prihoda Budžeta institucija BiH za 2002. godinu.

Prioritete finansiranja ovih programa utvrđuje Vijeće ministara.

4.5.2. Program finansiranja izbora u 2002. godini realizirat će se na osnovu posebnog finansijskog plana izbornog procesa o kojem će, na prijedlog Vijeća ministara, odlučivati Parlamentarna skupština BiH.

4.5.2. Izvori sredstava za drugu grupu prioriteta nisu uplanirani u okviru prihoda Budžeta institucija BiH za 2002. godinu.

Realizaciji ovih programa pristupit će se samo u slučaju osiguranja dodatnih izvora koji nisu obuhvaćeni Budžetom institucija BiH za 2002. godinu.

Prihodi i rashodi, koji su u funkciji realizacije ovih programa, imat će karakter vanrednih stavki u Budžetu institucija BiH.

4.5.3. Transferi sredstava za programe posebnih namjena mogu se realizirati preko računa budžetskih korisnika koji su zaduženi za realizaciju konkretnih programa ili posebnih podračuna za čije je otvaranje potrebna prethodna saglasnost Ministarstva za trezor.

4.5.4. Realizaciji programa iz druge grupe prioriteta pristupa se na osnovu posebne odluke Vijeća ministara o usvajanju programa u kojem se definiraju izvori prihoda i okviri rashoda.

5. REZERVE BUDŽETA

Član 5.1.

U okviru Budžeta planirana su sredstva tekuće rezerve u iznosu od 5.509.352 KM.

Od toga: rezerve 4.362.436 KM

Rezerviranja za obaveze iz ranijih perioda 1.146.916 KM

5.1.1. Sredstva budžetske rezerve mogu se usmjeriti:

za finansiranje vanrednih rashoda i programa koji nisu obuhvaćeni Budžetom institucija BiH;

za finansiranje troškova međunarodnih sporova i arbitraža;

za finansiranje razvoja novih institucija BiH koje su u fazi osnivanja;

za grantove neprofitnim organizacijama i pojedincima po posebnim odlukama Vijeća ministara;

za uravnoteženje obima i strukture rashoda budžetskih korisnika iznad planiranih okvira;

za finansiranje ranijih obaveza koje nisu evidentirane u Budžetu institucija BiH za 2002. godinu;

za finansiranje posebnih programa koji nisu obuhvaćeni stavom 4.2. člana 4. Budžeta institucija BiH i međunarodnih obaveza BiH za 2002. godinu. Preostala sredstva mogu se koristiti i za programe predviđene u stavu 6.1. člana 6. Budžeta institucija BiH i međunarodnih obaveza BiH za 2002. godinu.

5.1.2. Transferi sredstava iz budžetskih rezervi mogu se realizirati samo na osnovu posebnih odluka Vijeća ministara.

5.1.3. Ovlašćuje se Vijeće ministara da može iz sredstava rezervi odobriti transfere prema pojedincima i neprofitnim organizacijama do iznosa 300.000 KM godišnje.

Inicijative za donošenje odluke iz stava 1. ovoga člana mogu pokretati:

Predsjedništvo BiH;

nadležni organ Parlamentarne skupštine BiH (kolegij ili komisije);

predsjedavajući Vijeća ministara BiH;

ministarstvo u Vijeću ministara BiH.

Za donošenje odluka iz st. 1. i 2. ovoga člana neophodno je pribaviti prethodno mišljenje Ministarstva za trezor o realnim mogućnostima donošenja i realizacije inicirane odluke.

6. ODRŽANJE BUDŽETSKE RAVNOTEŽE

Član 6.1.

Svi prihodi i rashodi utvrđeni Budžetom smatraju se maksimalnim iznosima.

Svi budžetski korisnici dužni su svoje rashode usklađivati s realnim prihodima.

6.1.1 U cilju održanja budžetske ravnoteže svi budžetski korisnici obavezni su Ministarstvu za trezor dostaviti godišnji plan dinamike rashoda iskazanih mjesečno.

6.1.2. Na osnovu planova iz stava 6.1.1. ovog člana, Ministarstvo za trezor sačinjava dinamički plan prihoda i rashoda za izvršenje Budžeta institucija BiH.

6.1.3 Izvršenje Budžeta institucija BiH u dijelu rashoda operativno se usklađuje s dinamikom ostvarenja prihoda predviđenih Budžetom.

Član 6.2.

6.2.1. U cilju održanja ravnoteže budžetskih prihoda i rashoda u sistemu Budžeta za 2002. godinu, Vijeće ministara BiH, na osnovu periodičnih izvještaja o izvršenju budžeta, može donijeti Odluku o preraspodjeli prihoda i rashoda između budžetskih korisnika u okviru ukupnih suma prihoda i rashoda u Budžetu za 2002. godinu.

6.2.2. Odluku iz prethodnog stava ovog člana Vijeće ministara donosi na osnovu inicijative budžetskog korisnika, a po pribavljenom mišljenju Ministarstva za trezor i uz prethodnu saglasnost Predsjedništva BiH.

Član 6.3.

6.3.1. Na inicijativu budžetskog korisnika, a na osnovu prethodnog mišljenja Ministarstva za trezor, Vijeće ministara može donijeti odluku o restrukturiranju rashoda u okviru ukupno odobrenih sredstava za budžetskog korisnika.

6.3.2. Vijeće ministara neće odobriti zahtjeve za restrukturiranje rashoda koji bi rezultirali povećanjem plaća iznad osnova koji utvrđuje Vijeće ministara BiH.

7. IZMJENE I DOPUNE BUDŽETA

Član 7.1.

U slučaju poremećaja budžetske ravnoteže po osnovu viška ili manjka prihoda, odnosno viška ili manjka rashoda u odnosu na planirane proporcije, a na osnovu periodičnih izvještaja o izvršenju Budžeta, pokreće se postupak izmjena i dopuna budžeta institucija BiH i međunarodnih obaveza BiH za 2002. godinu (rebalans budžeta).

Član 7.2.

Izmjene i dopune Budžeta institucija BiH i međunarodnih obaveza BiH vršit će se po proceduri njegovog razmatranja i donošenja.

Član 7.3.

U slučaju da se do kraja kalendarske 2002. godine ne usvoji Budžet institucija BiH i međunarodnih obaveza BiH za 2003. godinu, Vijeće ministara donijet će odluku o privremenom finansiranju u iznosu najviše do 1/4 Budžeta institucija BiH i međunarodnih obaveza BiH za 2002. godinu.

U slučaju potrebe za privremenim finansiranjem institucija BiH i međunarodnih obaveza BiH u 2003. godini preko 1/4 Budžeta institucija BiH i međunarodnih obaveza BiH iz 2002. godine, odluku o privremenom finansiranju donosi Parlamentarna skupština BiH.

8. PROCEDURE U STVARANJU OBAVEZA

Član 8.1.

Svi budžetski korisnici obavezni su utvrditi interne procedure stvaranja obaveza koje se finansiraju iz Budžeta institucija BiH, a koje nisu obuhvaćene procedurama javnih nabavki iz člana 8.2.

Akt kojim se utvrđuju interne procedure i stvaranje obaveza dostavlja se Ministarstvu za trezor i Uredu generalnog revizora finansijskog poslovanja institucija BiH.

Član 8.2.

Vijeće ministara BiH donijet će odluku o registru robe i usluga čije će se nabavke za sve institucije BiH vršiti putem javnog oglašavanja.

Do donošenja zakona ili odluke o procedurama javnih nabavki Vijeće ministara će u aktu iz prethodnog stava ovog člana uputiti na procedure za provođenje ovoga postupka.

9. PROCEDURE ZA PRIJENOS I KORIŠTENJU SREDSTAVA

Član 9.1.

9.1.1. Prijenos sredstava s depozitnog računa prihoda na transakcijske račune budžetskih korisnika vrši se na osnovu zahtjeva za prijenos sredstava.

9.1.2. Zahtjevi za prijenos sredstava se formuliraju se za:

plaće i naknade plaća;

materijalne izdatke specificirane po analitičkim kon- tima;

kapitalne izdatke;

programe posebnih namjena;

odobrene transfere iz sredstava budžetske rezerve.

9.1.3. Osnovi za ispostavljanje zahtjeva za prijenos sredstava za plaće i naknade plaća su:

pravilnik o organizaciji i sistematizaciji poslova i radnih zadataka;

Odluka o načinu obračuna plata i ostalih materijalnih prava zaposlenih u Vijeću ministara, ministarstvima i drugim organima Vijeća ministara Bosne i Hercegovine;

obračunska lista plaća i naknada plaća ovjerene od strane odgovornog lica budžetskog korisnika.

9.1.4. Osnovi za ispostavljanje zahtjeva za prijenos sredstava za materijalne izdatke su:

račun za nabavku sredstava, roba i usluga;

ugovori;

ostali finansijski dokumenti.

9.1.5. Osnovi za ispostavljanje zahtjeva za prijenos sredstava za kapitalne izdatke su odluke Vijeća ministara.

Izuzetno, a do iznosa od 5.000 KM i u okviru planiranih sredstava za kapitalne izdatke, odluku o nabavci može donijeti kolegij ministarstva ili nadležni organ budžetskog korisnika.

9.1.6. Osnovi za ispostavljanje zahtjeva za prijenos sredstava za programe posebnih namjena su odluke Vijeća ministara.

9.1.7. Prijenos sredstava za funkcioniranje DKP mreže vrši se na osnovu zahtjeva za akontativni prijenos sredstava, koji podnosi Ministarstvo vanjskih poslova BiH, uz obavezu naknadnog dokumentiranja prijena sredstava Ministarstvu za trezor.

9.1.8. Svi budžetski korisnici dužni su Ministarstvu za trezor i Uredu generalnog revizora finansijskog poslovanja institucija BiH dostaviti spisak lica koja su ovlaštena za potpisivanje zahtjeva za prijenos sredstava i pratećih dokumenata navedenih u prethodnim stavovima ovog člana.

10. UPRAVLJANJE NOVČANIM TOKOVIMA I PRIORITETI U FINANSIRANJU

Član 10.1.

10.1.1. U cilju održavanja finansijske ravnoteže i likvidnosti Budžeta, sva sredstava zatečena u sistemu Jedinstvenog računa trezora mogu se preusmjeravati za finansiranje prioriternih obaveza.

10.1.2. Ministarstvo za trezor ima ovlaštenja za preusmjeravanje sredstava u okviru Jedinstvenog računa trezora u cilju izvršenja prioriternih obaveza.

Član 10.2.

U finansiranju rashoda budžetskih korisnika utvrđuju se slijedeći prioriteti:

nespome obaveze za robu i usluge po zahtjevima za prijenos sredstava za materijalne troškove iz stava 9.1.4. člana 9.1.;

plaće i naknade plaća, a po redoslijedu utvrđenom posebnom odlukom Vijeća ministara;

programi posebnih namjena iz stava 4.2. člana 4. Budžeta institucija BiH i međunaodnih obaveza BiH za 2002. godinu,

kapitalni izdaci.

Član 10.3.

U cilju održavanja likvidnosti Budžeta institucija BiH, ovlašćuje se Vijeće ministara BiH da može na prijedlog Ministarstva za trezor, donijeti odluke o kratkoročnim pozajmicama iz budžeta entiteta ili bankarskih izvora u skladu s mogućnostima njihove otplate u toku budžetske godine.

11. SERVISIRANJE VANJSKOG DUGA

Član 11.1.

Obim vanjskog duga utvrđen je u Budžetu institucija BiH i međunarodnih obaveza BiH za 2002. godinu u iznosu 292.387.290 KM.

Prihodi za servisiranje vanjskog duga utvrđuju se u slijedećim odnosima i iznosima:

prihodi od Federacije BiH 181.908.330 KM,

prihodi od Republike Srpske 110.478.960 KM.

Član 11.2.

Shodno odredbama Zakona o vanjskom dugu, entiteti su obavezni izvršiti blagovremeni transfer sredstava za servisiranje vanjskog duga.

Član 11.3.

Savjetodavna komisija za vanjski dug obavezna je do 30.03.2002. godine utvrditi okvire vanjskog duga za 2002. godinu.

Član 11.4.

Vijeće ministara može pokrenuti postupak zaduživanja države BiH, koja su u funkciji finansiranja posebnih programa utvrđenih u Budžetu institucija BiH i međunarodnih obaveza BiH za 2002. godinu.

12. RAČUNOVODSTVENA EVIDENTIRANJA

Član 12.1.

Do donošenja odgovarajuće regulative za jednoobrazno računovodstvo institucija BiH svi računovodstveni obračuni, evidencije i knjiženja vršiće se u skladu sa privremenim aktima koje donosi Ministarstvo za trezor u roku od 30 dana od dana donošenja ovog zakona.

13. IZVJEŠTAVANJE

Član 13.1.

13.1.1. U cilju ažurnog praćenja budžetskih tokova svi budžetski korisnici obavezni su sačinjavati redovne tromjesečne izvještaje i dostaviti ih Ministarstvu za trezor u roku od 20 dana po isteku tromjesečnog perioda.

13.1.2. Svi budžetski korisnici dužni su dostaviti godišnji obračun i izvještaj o izvršenju njihovog budžeta najkasnije do 28.02.2003. godine.

13.1.3. Budžetski korisnici, koji ne izvrše obavezu iz prethodnih stavova ovog člana ne mogu ostvariti pravo na transfere iz Budžeta institucija BiH.

Član 13.2.

Na osnovu izvještaja iz člana 13.1., Ministarstvo za trezor pravit će konsolidirane tromjesečne izvještaje o izvršenju Budžeta institucija BiH i dostavljati ih Vijeću ministara, Predsjedništvu BiH i Uredu generalnog revizora finansijskog poslovanja institucija BiH.

Član 13.3.

Ministarstvo za trezor će na osnovu obračuna i izvještaja iz stava 13.1.2. člana 13.1., izraditi i dostaviti Predsjedništvu BiH najkasnije do 30.03.2003. godine konsolidirani izvještaj o izvršenju Budžeta institucija BiH i međunarodnih obaveza BiH za 2002. godinu, a u svrhu izvještavanja Parlamentarne skupštine BiH.

14. INTERNI NADZOR I KONTROLA

Član 14.1.

Svi budžetski korisnici dužni su u roku od 30 dana od dana donošenja ovog zakona, posebnim aktom Kolegija ministarstva ili drugog nadležnog organa, donijeti akt o internoj reviziji i kontroli.

Član 14.2.

Ministarstvo za trezor putem svog Odjela kontrolora izvršenja Budžeta institucija BiH vrši:

prijem i evidentiranje svih zahtjeva za prijenos sredstava,

provjeru vjerodostojnosti dokumenata na osnovu kojih su ispostavljeni zahtjevi za prijenos sredstava,

provjeru usklađenosti obima i strukture Zahtjeva za prijenos sredstava sa Budžetom institucija BiH i dinamičkim planom rashoda iz člana 6.1. ovog zakona.

Član 14.3.

Kontrolori u Ministarstvu za trezor imaju pravo i obavezu odbiti sve zahtjeve za prijenos sredstava koji nisu u skladu s obimom, strukturom i dinamikom odobrenih budžetskih rashoda i koji nisu zasnovani na odgovarajućim odlukama i procedurama utvrđenim ovim zakonom.

Odbijanje zahtjeva za prijenos sredstava nadležni kontrolor će pismeno obrazložiti i obavijestiti budžetskog korisnika u roku od sedam dana od danom njegovog prijema.

Član 14.4.

Kontrolori u Ministarstvu za trezor imaju pravo izvršiti uvid u svu dokumentaciju koja je osnov za sačinjavanje zahtjeva za prijenos sredstava kod svih budžetskih korisnika.

15. KAZNENE ODREDBE

Član 15.1.

Novčanom kaznom od 500 KM do 1.000 KM kaznit će se za prekršaj odgovorno lice korisnika Budžeta za kršenje odredbi ovog zakona u slučajevima:

1. ako odobrena sredstva donacija ne usmjeri na Jedinstveni račun trezora ili ne pokrene postupak otvaranja posebnog podračuna za ove namjene preko Ministarstva za trezor (član 3.3);
2. ako sredstva Budžeta ne koristi za namjene za koje su utvrđene i ako preuzme obavezu iznad utvrđene u Budžetu (čl. 4.1. do 4.4.);
3. ako ne donese godišnji plan dinamike rashoda iskazanih mjesečno (član 6.1.)
4. ako se nabavka robe i usluga ne vrši u skladu sa Registrom roba i usluga (član 8.2.);
5. ako izvrši nabavku kapitalnih sredstava u iznosu većem od 5.000 KM bez odluke Vijeća ministara, a do iznosa od 5.000 KM bez odluke ministarstva ili drugog nadležnog organa (član 9.1. stav 5.);
6. ako blagovremeno ne dostavlja tromjesečne izvještaje Ministarstvu za trezor (član 13.1. st. 1. i 2.);
7. ako ne podnese na uvid Odjelu kontrolora odgovarajuću dokumentaciju (član 14.2.).

16. ZAVRŠNE ODREDBE

Član 16.1.

Ovaj zakon stupa na snagu danom objavljivanja u "Službenom glasniku BiH", a važi za fiskalnu 2002. godinu.

Predsjedavajući Predstavničkog doma Parlamentarne skupštine BiH Mariofil Ljubić, s. r.

Predsjedavajući Doma naroda Parlamentarne skupštine BiH dr.Nikola Špirić, s. r.